

歷代畫家詩文集

冬心先生集

臺灣學堂書局印行

I214.92
12
807

283713

港台圖書

冬心先生集



90087703

歷代畫家詩文集

冬心先生集

清錢塘金氏原刊本
景印本精裝一冊

編纂者：清·金

農撰

出版者：臺灣學生書局

本書局登記證字號：行政院新聞局局版臺業字第一一〇〇號

發行人：馮愛

發行所：臺灣學生書局

臺北市羅斯福路三段二九八號
郵政劃撥帳號二四六六號
電話：三三四五、三三四六、三三四七、三三四八

定價精裝新臺幣二〇〇元

中華民國五十九年六月景印初版
中華民國六十八年四月再版

冬

心

先

生

集

予賦性幽窳少耽索居味道之樂有田幾稜屋
數區在錢塘江上中爲書堂面江背山江之外
又山無窮若沃洲天姥雲門洛思諸峯嶺羣飲
褰裳涉波暱就予者於是目厭煙霏耳飽瀾浪
意若有得時取古人經籍文辭研披不間昕夕
會心而吟紙墨遂多然猶不自慊近交里閭二
三能言之士大抵多與予同其好林壑間僞僧
隱流盜單瓢笠之往還復饒苦硬清峭之思相
與攄發抉擯盡取高車影纓輩所不至之境不
道之語而琢之績之由是世遂比數予於詩

予翻然秘匿懼其隘而不廣於見聞直而不慙
於比興瘠而不腴於枝葉笑覆陸機之誣屢矣
或有躋予於鉅公派別者予曰昔徐師川不深
附西江張伯雨能超乎鐵雅詩固各有體趨今
何如則古邪廼鄙意所好常在玉溪天隨之間
玉溪賞其窈眇之音而清豔不乏天隨標其幽
遐之旨而奧衍爲多然寧必規玉溪而範天隨
哉予之詩不玉溪不天隨即玉溪即天隨耳比
長年來益爲汗漫遊徧走齊魯燕趙秦晉楚粵
之邦或名嶽大河傾寫胸臆或荒臺侈殿根

古懷或雨零風歛感傷羈屑或箏人酒徒飛揚
意氣境會所遷聲情隨赴不諧衆耳唯矜孤吹
此則予詩之大凡也孤露以後舊業隨廢欲求
天隨子松江通潮之田小雞山之樵薪已不可
得旅食益困念玉溪生有打鐘掃地爲清涼山
行者誓願因示誓願五十之年便將衣械入林
得句呈佛以送餘生遂發憤將舊藁刪削編晉
都爲四卷寫一淨本付之鏤木家自今有索冬
心先生而望岫息心者得不披對此集乎冬心
先生者予丙申病店江上寒宵懷人不寐申旦

遂取崔國輔寂寥抱冬心之語以自號今以氏
其集云雍正十一年十月錢塘金農自序

宋先生四十七歲小像



廣陵高翔寫

冬心先生集卷第一

錢塘金 農 壽門

予處田野與物無爭賦雜體一章頌稼
也遍爲告誡以當農謠

蠶桑月令過芒種天所予老巫卜瓦卦請驗古
諺語勤墾穰稔興田家苦驕陽行禱不雨厄勸
龍各一觴跼蹐復跼蹐龍阪筋力顫鞭箠爾雖
長寧識牛性善西埭比戶忙窄衣只掩骼鬲泥
三尺渾朝來喧築壩王命布農事秋收戒其荒
曖曖墟中煙五里聞炊香太歲值豐年出入皆



大吉督工邨夫子風俗耻貨殖

月夜叩潛禪師講堂

去天只一握峯勢儼西華歛聞雲脚香蒼蒼
牀下二十五條衣吾師諦妙義任于忍界中不
唾琉璃地禪定靈鷲棲客心生幽怖破寺寒月
來水光千萬樹僧回念夙緣今宵侍瓶鉢悄聽
鄰鐘聲合掌亂山謁

雪中懷會稽陶十二幼雅

山雪白皚皚郊扉晝不開嬾爲洛陽卧誰共
霜陵杯窺礪鳥聲合入林江影來遙思嚴長史

嘯柰娥臺

寄吳丈允嘉

北郭依喬木青山屬隱君
心知白雲妙書愛香熏
草閣編遺集澎湖采舊聞
猶誇健如犢課子事耕耘

楊知陳章見過冬心齋予出漢唐金石
本二百四十種共觀

空巷草根苦遭此秋雨屯離披一尺長
那知中有人守窮如守盟向壁獨弔影
書家得申韓二子欣造請聖唐與神
漢文字古所敦吉金貞石

志辨證菟株源嗟嗟暝色催客去倚江渚炊煙
飢不生寒雞各上距

碧瀾堂寄王豫

酒漉紗巾春甕開碧瀾堂外望潒洄此閒絲竹
聲淒唳善病王郎竟不來

雨後獨步池上

煙際曳筇人掩關繞行池上夜忘還浮萍剛得
雨吹散吐出月痕如破環

盧圻港

瓜皮艇子水黏天認得盧圻港口煙一市霜叢

有人語晚風撐到卧牀前

若溪曲二首

淨綠瓜瓢嫩揉藍草汁熏光明河畔水好與染
羅裙

下若翠物香細嘗淡爲貴但能通顏色何必沙
糖味

題貞曜先生集後

苦詞峭刻寡情懽孟保荒迷石井闌一尉終身
貧至此溪堂草木笑清寒

同鮑十四明府鈐高十一秀才岳過夾山

漾舟中阻風

先生解官印快遊心目開我已一笑諾况攜杜
秀才單櫂入鏡行春波宛南浦煥翠浮嵐中活
脫峯伍伍長林夾山漾修坂小康邨如何寂莫
意展望傷客魂青冥變茫蒼纖末從雲起只此
十里閒愁風復愁水

雙林晚景

若練吳波折復迴遙岑悄沒夕陽催絕無人影
櫂聲過蘋葉中間一道開

曲江之上先人敝廬在焉積疴初勸雜書